

\*মিষ্টি বাচ্চারা - নিজেদের এই জীবনকে যদি কড়ি থেকে হীরায় রূপান্তরিত করতে চাও, তবে সময়কে সফল করো, তোমার অপগুণ দূর করো, খেয়ে ঘুমিয়ে সময় বয়ে যেতে দিওনা ।\*

\*প্রশ্নঃ - কোন্ নামের জন্য মানুষ সবাইকে ভগবানের রূপ মনে করে ?\*

\*উত্তরঃ - বাবা বলেন, এই সময় আমি বিভিন্ন রূপ ধারণ করি, আমি বহুরূপী । আমি যখন এখানে মুরলি শুনাই তখন যে পরমধাম খালি হয়ে যায় সেরকম নয়, এই সময় আমাকে অনেক কাজ করতে হয়, অনেক সার্ভিসও । বাচ্চাদের এবং ভক্তদের সাক্ষাত্কার প্রদান করতে হয় । এইসময় আমি বহুরূপী, মানুষ এর অর্থ করে নেয় এই সব ভগবানের রূপ ।\*

\*প্রশ্নঃ- বাবার কোন্ শ্রীমত অনুসরণ করে বাচ্চারা সুযোগ্য তৈরি হয় ?\*

\*উত্তরঃ - বাবা বলেন, বাচ্চারা কখনও ডিসসার্ভিস করোনা, সময় অতি মূল্যবান । শুয়ে ঘুমিয়ে একে নষ্ট করোনা । কমপক্ষে আমার জন্য আট ঘণ্টা সময় ব্যয় করো । এই শ্রীমত পালনকারী বাচ্চারাই সুযোগ্য ।\*

\*গীতঃ- তুমি নিশীথ যাপন করেছ ঘুমে, দিবস কাটালে ভোজনে....\*

\*ওম্ শান্তি\* । বাবা বাচ্চাদের বোঝাচ্ছেন । বাচ্চারা তোমরা জানো, আমরা সকলে বাবার সন্তান । আমাদের দেহের বাবা শারীরিক, কিন্তু আত্মার শরীর নেই, সুতরাং আত্মাদের বাবা অশরীরি । বাবা বুঝিয়েছেন, তোমরা বেহদ সুখের উত্তরাধিকার লাভ করো বেহদের বাবার থেকে । এটা এখন শুরু হয়ে ত্রেতার শেষ পর্যন্ত চলে । তোমরা এখন পুরুষার্থ করে ২১ জন্মের প্রারম্ভ (পূর্ব জন্মের অর্জিত কর্মফল) তৈরি করে নিচ্ছ । তারপরে যখন বেহদ সম্পূর্ণ হয়ে যায় তোমাদের হৃদের উত্তরাধিকার শুরু হয় । এইসব গভীর রহস্য । তোমরা জানো, তোমরা অর্ধ কল্প তোমাদের হৃদের বাবার থেকে উত্তরাধিকারের প্রাপ্তি হয় এবং তোমরা বেহদের বাবাকে স্মরণ করো । আত্মার সম্বন্ধে সবাই ভাই । একমাত্র তিনি, পিতা । এটা বলাও হয়ে থাকে আত্মারা পরস্পর ভাই, পরে মনুষ্য সৃষ্টি রচিত হলে তারা ভাই-বোন হয়ে যায় । এটা নতুন রচনা । পরে পরিবার বাড়তে শুরু করে । মামা, কাকা ইত্যাদিরা পরে আসে । বাবা এই সময় রচনা রচেন । শুধু বাচ্চা আর বচ্চিরাই থাকে, অন্য কোনও সম্পর্ক নেই । এখন, তোমরা জীবনে থাকতেই ভাই আর বোন হয়ে যাও । অন্য কোনও সম্পর্কের সাথে তোমাদের যোগ নেই । এখন তোমরা নব জন্ম লাভ করেছ । তোমরা জানো, এখন তোমরা ঈশ্বরীয় সন্তান । তোমরা এখন শিববংশী ব্রহ্মাকুমার -কুমারী । ব্রহ্মাকুমার- কুমারীদের অন্য কোনও সম্পর্ক থাকেনা । এই সময় সমগ্র দুনিয়া পতিত, একে পবিত্র বানাতে হবে । তোমরা বলো, বাবা আমরা তোমার হয়েছি । বাবা বলেন, বাচ্চারা ! ভবিষ্যতের জন্য পুরুষার্থ করে নিজেদের জীবন হীরেসম বানাতে হবে । সারাদিন শুধু খাওয়া, রাতে ঘুমানো আর বাবাকে স্মরণ না করা ....তোমাদের হীরকতুল্য জন্ম লাভ হতে দেবেনা । বাবা বলেন, জীবিকার্জনের জন্য কর্ম করাকালীন, গৃহস্থ ব্যবহারে থেকে কমল ফুলসম পবিত্র হতে হবে । তোমরা বুঝতে পারছ, তোমরা কড়ি থেকে হীরায় পরিণত হচ্ছ অর্থাৎ মানুষ থেকে দেবতায় রূপান্তরিত হচ্ছ ! মানুষের মধ্যে অনেক দোষত্রুটি

থাকে । দেবতারা পূর্ণ, শ্রেষ্ঠ আর সেই কারণেই মানুষ দেবমূর্তির সামনে তাদের অপূর্ণতার কথা বলে, তুমি সর্বগুণসম্পন্ন ...আমি পাপী, অধম ! এখন বাবা বলছেন, নিজের সমস্ত আসুরিক গুণ বার করে ঈশ্বরীয় দৈবী গুণ ধারণ করতে হবে । বাবা নিরাকার, মনুষ্য সৃষ্টিকৰ্মী বৃক্ষের বীজরূপ । তিনি সত্য, চৈতন্য, জ্ঞানের সাগর । এই জ্ঞান তোমাদের বুদ্ধিতে বসেছে তো ! এই জ্ঞান নতুন । কোনও বেদ শাস্ত্রে এই জ্ঞান নেই । এখন তোমরা যা কিছু শুনছ তা' পরে লোপ পেয়ে যাবে । তোমরা এখন জানো যে, আমরা আসুরিক গুণের মানুষ বাবার থেকে দৈবী গুণ ধারণ ক'রে দেবতায় পরিণত হচ্ছি । আমাদের মাথার ওপর যে পাপের বোঝা চেপে আছে তা' বাবাকে স্মরণ করে ভস্ম হয়ে যাচ্ছে । ভক্তিমাৰ্গে তারা তোমাদের বলে থাকে যে গঙ্গাস্নানে তোমাদের পাপ ভস্ম হয়ে যাবে । যাই হোক, জলে কেউ পবিত্র হতে পারবেনা । যদি এমন হতো, তবে তারা কেন পতিত-পাবন বাবাকে স্মরণ করত ? তারা কোনকিছু বোঝেনা । সচেতন এবং অবচেতনের এই নাটকও তৈরি হয়ে আছে । এখন তোমরা কত বুঝদার হয়েছ । এখন তোমরা সারা সৃষ্টিচক্রকে জেনেছ । হিস্ট্রি, জিওগ্রাফি জানাও তো সচেতনতা ! যদি তোমরা এটা না জানো, তাহলে তাকে অজ্ঞানী বলা হবে । তোমরা বাচ্চারা এখন এসব জানো । বাবা তাঁর বাচ্চাদের নিজের পরিচয় দিয়েছেন, আমি তোমাদের হীরকতুল্য বানাতে এসেছি । তবে এমন হলে হবেনা যে এখানে বসে তাঁর কাছে শুনলে আর আগের মতোই পানভোজন ইত্যাদিতে লেগে রইলে । সেই লাইফ ছিল কড়িসম । দেবতাদের লাইফ হীরকসম । তাঁরা স্বর্গে সুখ ভোগ করেন । এইরকম ছবিও তো আছে, তাই না ! আগে তোমরা জানতে না যে তোমরা কত সুখী ছিলে, এখন তোমরা অসুখী হয়েছ । তোমরা জানতে না, কিভাবে তোমরা ৮৪ জন্ম নিয়েছ ! এখন আমি তোমাদের এইসব বলি । তোমরা এখন অন্যকেও বলার উপযুক্ত হয়েছ । বাবা তোমাদের সচেতন বানান, সুতরাং, তোমাদের তো অন্যদের বোঝানোই উচিত । এমন হওয়া উচিত নয় যে, ঘরে ফেরা মাত্রই তোমরা আগে যা করছিলে আবার সেইসব করতে লাগলে ! এই শিক্ষা নিয়ে তারপর অন্যকেও শেখাও । বাবার পরিচয় দিতে তোমাদের যেতে হবে । বেহদের বাবা তো সবার একই । সমস্ত ধর্মের লোকেরাই তাঁকে ডাকে, হে পরমপিতা পরমাত্মা ! অথবা হে প্রভু ! এমন কেউ নেই যে পরমাত্মাকে স্মরণ করেনা । সব ধর্মের লোকের বাবা এক । সবাই সেই একেরই স্মরণ করে । বাবার থেকে সকলের বরসা লাভ করার অধিকার আছে । বরসা সম্বন্ধেও তোমাদের বোঝাতে হবে । বাবা কোন বরসা দেন ? মুক্তি আর জীবনমুক্তি । এখানে সবাই জীবন বন্ধনে আবদ্ধ । বাবা এসে সবাইকে রাবণের বন্ধন থেকে মুক্ত করেন । এই সময় কেউ জীবনমুক্ত নয় কারণ এটা রাবণ রাজ্য । তারা দেহ-অভিমানী । দেবতারা দেহী-অভিমানী হওয়ার কারণে জানেন যে আমরা আত্মা এক দেহ ছেড়ে অন্য দেহ নিই । সেই সময় তাঁরা পরমাত্মাকে জানতে পারেননা । যদি পরমাত্মাকে জানতেন তবে সমগ্র সৃষ্টি চক্রকে জেনে যেতেন । একমাত্র তোমরাই ত্রিকালদর্শী । বাবা স্বয়ং এখানে বসে ব্রাহ্মণদেরই ত্রিকালদর্শী বানান । যেহেতু দেবতারা তিনকাল সম্পর্কে জানেননা সেইজন্য পরে যখন তাঁদের বংশাবলীরা আসে তাদের মধ্যেও এই জ্ঞান থাকেনা, সুতরাং অন্যদের মধ্যে এই জ্ঞান কোথা থেকে আসবে ? এই জ্ঞান দান করেন এক এবং একমাত্র পরমপিতা পরমাত্মা । এই সহজ রাজযোগের নলেজ আর কারও থাকতে পারেনা । দেবী-দেবতা ধর্মের শাস্ত্রও হতে হবে । সুতরাং, ডামা অনুসারে তাদের সেইসব শাস্ত্র রচনা করতে হয় । গীতা ভাগবত ইত্যাদি একইভাবে আবারও রচিত হবে । গ্রন্থও একইভাবে তৈরি হবে । দেখ গ্রন্থ আকারে এখন কত বড় হয়েছে । আগে এটা অনেক ছোট ছিল, হাতে লেখা হতো । এখন অনেক বাড়ানো হয়েছে । এখানে এটা একইরকম । যদি তোমরা এর গ্রন্থ বানাও এটা অনেক বড় হয়ে যাবে । যাই হোক, তারপরে এটা শর্ট করা হয়ে থাকে । অন্তিমে বাবা দুটো শব্দ বলেন, মনমনাভব ! আমি তোমাদের সব বেদ, শাস্ত্রের সারাংশ বোঝাই । সুতরাং,

তাদের নাম অবশ্যই উল্লেখ করতে হয় ; অমুক অমুক শাস্ত্রে এই-এই বলেছে । তারা কোনও ধর্মের শাস্ত্র নয় । ভারতের ধর্ম একটাই । যাই হোক, তোমরা প্রমাণ করতে পারবেনা সেইসব শাস্ত্র কোন ধর্মের ! ভারতের একমাত্র শাস্ত্র গীতা । গীতা সর্বশাস্ত্র শিরোমণি রূপে স্বরণ করা হয় । গীতার মহিমা তোমরা অ্যাক্যুরেট জেনেছ । এই গীতার মাধ্যমে বাবা এসে ভারতকে স্বর্গে রূপান্তরিত করেন । ভারতের শাস্ত্র অনেক সম্মানের সাথে উচ্চারিত হয় । যাই হোক, গীতার ভগবান কে না জানার জন্য তারা মিথ্যা শপথ নেয় । এখন সেটা কারেক্ট করো ! ভগবান কখনও বলেননা তিনি সর্বব্যাপী । কোনও কোনও বাচ্চা প্রশ্ন করে, শিববাবা এখানে এসে মুরলি শোনান, তাহলে সেই সময়ে কি তিনি পরমধামে থাকেন ? বাবা বলেন, এই সময় আমাকে অনেক কাজ করতে হয় ; অনেক সার্ভিসও চলতে থাকে । আমি কত কত বাচ্চার এবং ভক্তদের সাফাতকার প্রদান করি । এই সময় আমি বহু রূপে বিরাজমান । এই শব্দের সূত্রেই মানুষ ভাবে সব রূপ ভগবানের । মায়া তাদের উল্টো করে ঝুলিয়ে দেয় । বাবা ঠিক করে সোজা করে দেন । তোমরা বাচ্চারা মুক্তিধামে যাওয়ার পুরুষার্থ করছ । তোমাদের বুদ্ধি মুক্তিধামের দিকে । কোনও মানুষ তোমাদের পুরুষার্থ করাতে পারেনা যা বাবা তোমাদের করাচ্ছেন । তোমাদের বুদ্ধিযোগ এখন ওখানে লাগাও । জীবনে থেকে এই শরীরকে নিরন্তর ভুলতে থাকো । যখন কারও মৃত্যু হয় লোকে বলে স্বর্গে চলে গেছে তবুও তারা নিরন্তর কাঁদতে থাকে । বাবার সুযোগ্য বাচ্চারা বাবার সহযোগী হয়ে সার্ভিস করে, তারা কখনও ডিসসার্ভিস করেনা । কেউ ডিসসার্ভিস করলে, সেই ডিসসার্ভিস সে নিজেরই করে । বাবা বলেন, মিষ্টি বাচ্চারা, এই টাইম মহামূল্যবান । ভবিষ্যৎ ২১ জন্মের জন্য তোমরা উপার্জন করছ । তোমরা জানো যে, তোমরা বিশ্বের বাদশাহী লাভ করো । এটা বিশাল উপার্জন, সুতরাং, তোমাদের নিজেদের তাতে যুক্ত হওয়া উচিত । বাবাকে স্বরণ করো । যেমন তোমরা গভার্নমেন্ট সার্ভিসে আট ঘন্টা থাকো, বাবাও বলেন, আমাকেও আট ঘন্টা দাও । রাতে ঘুমিয়ে সময় নষ্ট করোনা । দিনরাত উপার্জন করো । এটা খুব সহজ, শুধু বুদ্ধিকে কাজে লাগানোর কথা । মানুষ যখন কাজে যায়, তারা মন্দিরের পাশ দিয়ে গেলে প্রথমে মন্দিরে সামনে হাতজোড় করে প্রার্থনা করে, তারপর দোকানে বা গন্তব্যস্থলে যায় । কিন্তু ফেরার সময় আবার ভুলে যায়, ঘরের কথা মনে পড়ে যায় । সেটাও ভালো । যেমনই হোক তারা এর অর্থ কিছুই বোঝেনা । বাচ্চারা কলকাতায় তোমাদের খুব ভালোভাবে বোঝানো উচিত । সেখানে দেবী কালিকামাতাকে অনেক মান দেওয়া হয় । বাঙালিদের নিজস্ব রীতি-রেওয়াজ আছে । তারা অবশ্যই ব্রাহ্মণ পুরোহিতদের মতস্য খাওয়ায় । বড় বড় মানুষ নিজস্ব পুকুরে মতস্য পালন করে, সুতরাং ব্রাহ্মণদেরও খাওয়াবে । এখন তোমরা প্রকৃত বৈষ্ণব হচ্ছ । প্র্যাকটিকালি তোমরা বিষ্ণুপুরী যাচ্ছ । এইরকম নয় যে সেখানে চতুর্ভুজসহ কোনও মানুষ থাকবে । লক্ষ্মী -নারায়ণকে বিষ্ণু বলা হয়ে থাকে, দুই বাছ লক্ষ্মীর এবং দুই বাছ নারায়ণের । তোমরা লক্ষ্মীর পূজা করলে বাস্তবে তা' নারায়ণের পূজা করা হয় । দুজনেই তো একত্রীকৃত, তাই না ! এই সময় মহিমা মাতাদের । জগদম্বার মহিমা করা হয় । লক্ষ্মীর নামেও গায়ন হয় । বাবা এসে মাতাদের দ্বারা সবাইকে সদগতি প্রদান করলে জগদম্বা তখন রাজরাজেশ্বরী হন । মা হলেন পূজিতা । বাস্তবে, জগদম্বা এক, তাই না ! যেমন তারা এক-শিবলিঙ্গ বানায় তেমন একইভাবে আবার ছোট ছোট সালিগ্রামও বানায় । ঠিক এইরকমই কালীমাতারও অনেক ছোট ছোট মন্দির আছে, তারা যেন মায়ের সন্তান । এখন বাবা তোমাদের নিজের বানাচ্ছেন, একেই বলা হয় বলি হওয়া অর্থাৎ একের প্রতি সমর্পণ । তোমরা নিজেদের তাঁর কাছে সমর্পণ করো, ব্রহ্মার কাছে নয় । বাবা বোঝান, তোমরা অবশ্যই এখন আর টাইম ওয়েস্ট করোনা । তোমরা ব্যবসাদি করলেও যদি নিজেদের বাঁচিয়ে রাখার জন্য পর্যাপ্ত অর্থ সংস্থান থাকে তবে আরও বেশীর জন্য এতে কেন মাথা কুটে মরছ ! হ্যাঁ, শিববাবার যন্তে যখন দিচ্ছ, তখন

সেটা বিশ্ব সেবার্থে দেওয়ার মতো হচ্ছে। বাবা বলবেন, সেন্টার বানাও যেখানে কন্যারা মানুষকে দেবতায় রূপান্তরিত হওয়ার পথ বলে দেবে। এই পড়া কত ফার্স্টক্লাস! অনেকের কল্যাণ হবে। বাবা বলেন, কোটি কোটি উপার্জন করো, কিন্তু এমন কাজ করো যাতে ভারত পবিত্র হয়, এভার হেলদি হয়। ভবিষ্যতের সম্পূর্ণ উত্তরাধিকার তোমরা এখন নিচ্ছ। সেখানে গরীব কেউ হয়ই না। এই সময়ের প্রারব্ধ তোমরা সেখানে লাভ করো, সুতরাং, তোমাদের কত নলেজ ধারণ করা উচিত! তোমাদের একেকটা পয়সা হীরে সমান, ভারত স্বর্গে পরিণত হয়। বাকি সবকিছু শেষ হয়ে যাবে। যতটুকু টাকা তোমাদের বাঁচবে সার্ভিসে ব্যয় করো। এটা হলো সবচেয়ে বড় হাসপিটাল। অনেক গরীব বাচ্চা বলে, আমি আট আনা দিচ্ছি বিল্ডিংয়ে একটা ইট আমার নামে গেঁথো। আমরা জানি এই থেকেই মানুষ এভার হেলদি হবে। অনেক মানুষ এখানে আসবে। এমন কু্য তৈরি হবে যা তোমরা আগে কখনও দেখনি। অতএব, তোমাদের কত খুশি হওয়া উচিত যে, তোমাদের রূপান্তর হচ্ছে! তোমরা কি ছিলে আর কি হতে যাচ্ছ! আমরা শিববাবার থেকে উত্তরাধিকার নিচ্ছি। বাবা নিরাকার, জ্ঞানের সাগর। এই রথে তিনি প্রবেশ করেন। বাচ্চাদের অতি ক্ষমাশীল হতে হবে, তোমাদের নিজেদের জন্য এবং অন্যদের জন্যও।

মিষ্টি -মিষ্টি হারানিধি (সিকিলধে) বাচ্চাদের প্রতি মাতাপিতা বাপদাদার স্মরণ- স্নেহ এবং গুড মর্নিং। রুহানী বাবার রুহানী বাচ্চাদের নমস্কার।

\*ধারণার জন্য মুখ্য সার:-\*

১) ভারতকে পবিত্র বানানোর সেবার দ্বারা তোমার তন, মন, ধন সফল করো। তোমার অর্থ হীরকতুল্য, ভারতকে স্বর্গ বানানোর কাজে লাগাও। একে ব্যর্থ হতে দিওনা।

২) ভবিষ্যতের ২১ জন্মের প্রারব্ধ তৈরি করার জন্য সময় দিনরাত উপার্জন সঞ্চয় করতে হবে। সময় নষ্ট করোনা। শরীরকে ভুলে থাকার পুরুষার্থ করতে হবে।

\*বরদান:- জ্ঞান, গুণ আর শক্তিরূপী সঞ্চিত সম্পদের দ্বারা ঐশ্বর্যশালী হওয়ার অনুভবকারী সম্পত্তিবান ভব\*

যে সকল বাচ্চাদের কাছে জ্ঞান, গুণ আর শক্তিসম্পদ আছে তারা সদা সম্পন্ন অর্থাৎ সন্তুষ্ট থাকে, তাদের অপ্রাপ্তির লেশমাত্র থাকেনা। হদের ইচ্ছেগুলো তারা তুচ্ছ জ্ঞান করে। তারা দাতা। তাদের মধ্যে হদের ইচ্ছা বা অপ্রাপ্তি কোনকিছুর উদ্ভব হয়না। যারা সবসময় কিছু না কিছু চাইছে তাদের মতো ভিক্ষুক হয়না। এইরকম সদা সম্পন্ন এবং সন্তুষ্ট বাচ্চাদেরই সম্পত্তিবান বলা হয়ে থাকে।

\*স্লোগান:- সদা ভালবাসায় লীন হলে মেহনতের অনুভব হবেনা।\*